

Broj: 08-33-4929/24
Sarajevo, 18.10.2024.godine

federacija Bosne i Hercegovine
**PARLAMENT FEDERACIJE
SARAJEVO**

Primljeno: 25-10-2024			
Org. jed.	Broj	Priloga	Vrijednost
05/1	-02-	493	/24..

VLADA FEDERACIJE BIH
-n/p Tajnika

ZASTUPNIČKI DOM PARLAMENTA FEDERACIJE BIH
-n/p Tajnika *JK*

ZASTUPNICA ZASTUPNIČKOG DOMA PARLAMENTA FEDERACIJE BIH
-n/p g-đa. Adisa Kokić – Hinović

PREDMET: Odgovor na zastupničko pitanje – dostavlja se

Veza: akt Tajnika Vlade Federacije BiH broj 03-04-1528/24 od 06.09.2024. godine

Poštovana/i,

Federalno ministarstvo zdravstva zaprimilo je akt Tajnika Vlade Federacije BiH broj: 03-04-1528/24 od 06.09.2024. godine sa zastupničkim pitanjem na koje se traži odgovor. Naime, uvažena zastupnica u Zastupničkom domu Parlamenta Federacije Bosne i Hercegovine Adisa Kokić - Hinović je na temelju čl. 11. i 116. Poslovnika o radu Zastupničkog doma Parlamenta Federacije Bosne i Hercegovine („Službene novine Federacije BiH“, broj 69/07, 2/08 i 26/20) postavila pitanje iz oblasti zdravstva.


U svezi s tim, u privitku akta dostavljamo odgovor Federalnog ministarstva zdravstva.

S poštovanjem,

MINISTAR

Dr. Nediljko Rimac

Privitak:
- kao u tekstu



ODGOVOR
NA ZASTUPNIČKO PITANJE ADISE KOKIĆ-HINOVIĆ,
ZASTUPNICE U ZASTUPNIČKOM DOMU
PARLAMENTA FEDERACIJE BOSNE I HERCEGOVINE

Sarajevo, listopad 2024. godine

ADISA KOKIĆ-HINOVIĆ, zastupnica u Zastupničkom domu Parlamenta Federacije Bosne i Hercegovine je na temelju čl. 11. i 116. Poslovnika o radu Zastupničkog doma Parlamenta Federacije Bosne i Hercegovine („Službene novine Federacije BiH“, broj 69/07, 2/08 i 26/20) uputila Federalnom ministarstvu zdravstva sljedeće pitanje:

„Koliko pacijenata je na listi čekanja za transplantaciju organa u inozemstvu, na koje transplantacije pacijenti čekaju i u kojim klinikama? Koji je prosjek boravka na listi čekanja i koliko je neophodno financijskih sredstava za realizaciju iste?“

Također, molim informacije i o konkretno transplantaciji bubrega van BiH - s kojim klinikama je potpisan ugovor i na koji period, koliko pacijenata čeka odgovor navedenih klinika, prosjek čekanja, ta kakvo je ispunjenje ugovornih obveza izabranih klinika?“

II

Na postavljeno zastupničko pitanje Federalno ministarstvo zdravstva, daje sljedeći

ODGOVOR

Zakonom o transplantaciji organa i tkiva u svrhu liječenja („Službene novine Federacije BiH“ broj 75/09, 95/17 i 53/24) (u daljem tekstu: Zakon) uređeni su uvjeti transplantacije ljudskih organa i tkiva od živog ili umrlog lica u svrhu liječenja, na teritoriji Federacije Bosne i Hercegovine.

Kako je to utvrđeno Zakonom, uspostavljen je Centar za transplantacijsku medicinu kao federalna upravna organizacija u sastavu Federalnog ministarstva zdravstva, a koji obavlja poslove i zadatke utvrđene čl. 6. i 45. Zakona o transplantaciji organa i tkiva u svrhu liječenja, te između ostalog vodi i registar osoba koje čekaju na presađivanje organa i tkiva - federalnu listu čekanja.

Sukladno članku 7. stavak 1. Zakona, svi državljani Bosne i Hercegovine, sa stalnim prebivalištem u Federaciji, a koji imaju status osiguranika, u smislu odredbi propisa o zdravstvenom osiguranju, imaju jednake mogućnosti uključivanja na federalnu listu čekanja, te im se garantuje jednaka dostupnost zdravstvenim uslugama koje se obavljaju s ciljem presađivanja organa ili tkiva u svrhu liječenja.

Naglašavamo da Zakonom o transplantaciji organa i tkiva u svrhu liječenja nije predviđeno da Centar za transplantacijsku medicinu vodi "liste čekanja za transplantaciju organa u inozemstvu".

Međutim, u slučaju kada pacijent na može ostvariti pravo na liječenje transplantacijom u zdravstvenim ustanovama u Federaciji BiH, moguće je pokrenuti postupak upućivanja na liječenje transplantacijom u inozemstvo, a koji se provodi na način kako je to propisano Pravilnikom o uvjetima i postupku upućivanja osiguranih osoba na liječenja u inozemstvo („Službene novine Federacije BiH“ broj 93/13, 102/15, 16/19 i 22/19) i pokreće se na prijedlog kliničke zdravstvene ustanove, koja prijedlog za upućivanje osigurane osobe na liječenje u inozemstvo s mišljenjem liječničkog konzilija izdatog suglasno Pravilniku o postupku i načinu rada liječničkog konzilija („Službene novine Federacije BiH“, broj 55/13) podnosi Zavodu zdravstvenog osiguranja i reosiguranja Federacije Bosne i Hercegovine (u daljem tekstu: Zavod), odnosno Stručnom povjerenstvu za upućivanje osiguranih osoba na liječenje u inozemstvo prema vrstama bolesti i stanja iz članka 5. citiranog Pravilnika. Ova povjerenstva, na prijedlog kliničkih zdravstvenih ustanova, imenuje federalni ministar zdravstva.